

IV. ENTIDADES LOCAIS

CONCELLO DE XINZO DE LIMIA

APROBACIÓN DEFINITIVA DA MODIFICACIÓN DA ORDENANZA FISCAL Nº 9, REGULADORA DA TAXA POLA SUBMINISTRACIÓN DE AUGA A DOMICILIO

Aprobación definitiva da modificación da Ordenanza fiscal nº 9, reguladora da taxa pola subministración de auga a domicilio.

Ao non se presentaren reclamacións durante o prazo de exposición ao público, queda automaticamente elevado a definitivo o Acordo Plenario provisional do Concello de Xinzo de Limia do 7 de novembro de 2025, sobre a modificación da Ordenanza fiscal nº 9, reguladora da taxa pola subministración de auga a domicilio, cuxo texto íntegro se publica, en cumprimento do artigo 17.4 do texto refundido da Lei reguladora das facendas locais, aprobado polo Real decreto lexislativo 2/2004, do 5 de marzo, sendo do seguinte tenor literal:

“(…) «Modificación da Ordenanza fiscal nº 9: reguladora da taxa pola subministración de auga a domicilio.

Art. 5º. A contía da taxa que regula esta ordenanza será a que se fixe nas seguintes tarifas:

Módulos tarifa: €/m.3

Cota de servizo: 1,47 €/ab.mes

Conservación de acometidas e contadores: 1,64 €/ab.mes

Ata 30 m3: 0,2717 €/m3

De 30 a 50 m3: 0,3964 €/m3

De 50 a 80 m3: 0,5651 €/m3

De 80 a 100 m3: 1,2442 €/m3

Máis de 100 m³ domésticos: 2,4071 €/m3

Máis de 100 m3 industriais: 1,9235 €/m3.

Tarifa especial en caso de fuga: No suposto de que na instalación interior dun aboado se produzan fugas de auga de xeito inadvertido que deran lugar a un consumo que sexa superior ao quíntuplo do volume medio dos períodos de facturación inmediatos anteriores que representen o ciclo dun ano de facturación, sempre e cando se verifique que as ditas fugas non son imputables nin a unha acción deliberada do aboado nin a unha manifesta neglixencia no mantemento que corresponde ao aboado, procederá a aplicación da tarifa especial en caso de fuga.

Neste senso, ao consumo medio habitual determinado aplicaráselle a tarifa ordinaria ou xeral para cada bloque de consumo e ao exceso de consumo sobre o habitual aplicaráselle a tarifa especial en caso de fuga que consistirá na tarifa de consumo media dos bloques vixente no período de devindicación.



As condicións para a aplicación da tarifa especial en caso de fuga son as seguintes:

A solicitude de aplicación da tarifa especial en caso de fuga será presentada dentro dos dous períodos posteriores á posta ao cobro do recibo afectado. A dita tarifa só se poderá aplicar como máximo durante dous períodos consecutivos ao considerarse a afección de máis períodos como unha negligencia na conservación e mantemento da instalación. Non se admitirán solicitudes de aplicación da tarifa especial por fuga antes de transcorrido o prazo de 24 meses desde a última aplicación da tarifa especial por fuga, nin tampouco as solicitudes que a entidade subministradora considere recorrentes e periódicas, que puidera entenderse que son realizadas en fraude.

En canto a documentación a presentar coa solicitude de aplicación da tarifa especial en caso de fuga, esta deberá ser presentada polo titular do contrato de subministración ou polo representante autorizado polo mesmo e deberá ir acompañada da correspondente factura de reparación ou informe pericial detallado remitido pola aseguradora do abonado xunto coa certificación de ter realizado a reparación.

Nos casos nos que non quede suficientemente acreditada a natureza da fuga e/ou as medidas tomadas para evitar a súa reiteración, poderanse solicitar ao abonado outros documentos complementarios co fin de clarificar a natureza da fuga e a súa reparación. Asemade, o Servizo poderá efectuar as inspeccións que sexan necesarias ao punto de subministración, co fin de realizar as comprobacións que estime oportunas, sendo por conta do abonado os gastos nos que se incorra.

Centros ensinanza secundaria: tarifa media

Construcións e obras: Por cada m3 de auga consumido: 0,2543 €/m3

Contratación do servizo e dereitos de conexión:

De aplicación sempre que se produzan altas ou contratacións de servizo. Por cada contratación de servizo: 47,9639 €

Servizos complementarios

Conexións á rede:

a) Por licenza de conexión á rede: 19,1716 €

b) A instalación de tomas de auga, subministración e colocación de tubos, chaves de paso, ramais ata as fachadas dos edificios, locais, etc., liquidaranse polos prezos dos materiais empregados, gastos de persoal e gastos complementares de todo tipo, cunha recarga do 7% por dirección técnica e do 10% en concepto de administración.

Disposición derradeira

A presente modificación da ordenanza fiscal, cuxa aprobación foi acordada provisionalmente polo Pleno municipal na reunión do 7 de novembro de 2025, modifica á anterior e entrará en vigor a partir da súa publicación íntegra no Boletín Oficial da Provincia, e será de aplicación a partir do día primeiro de xaneiro de 2026, e permanecerá en vigor ata que sexa modificada ou derrogada expresamente. (...)”

Contra o presente acordo, conforme ao artigo 19 do texto refundido da Lei reguladora das facendas locais, aprobado polo Real decreto lexislativo 2/2004, do 5 de marzo, poderase interpoñer polos



interesados, un recurso contencioso-administrativo ante o Tribunal Superior de Xustiza de Galicia, no prazo de dous meses contados a partir do día seguinte á publicación deste anuncio no Boletín Oficial da Provincia de Ourense.

Xinzo de Limia, na data da sinatura electrónica. O alcalde.

Asdo.: Amador Díaz Penín.

R. 3.098

